

同州府志

皇恩紀
卷首

同州府志卷首

皇恩紀

蠲租予復漢代之慶惟我

聖朝厥典允光

湛恩汪濊民與紳共

制誥同編方志斯重

臣恩繼謹述

皇恩紀第二

順治七年免過華陰荒地六十二頃九十九畝七分二釐
應免折色糧一百五十六石五斗一升三合銀二百一十

九兩五分二釐五毫

順治八年免過華陰有主地四百七十二頃三十六畝九分九釐四毫八絲折色糧一千四百七十七石九斗三升三合四勺八抄八撮折色銀二千七十九兩八錢五分四釐五毫二絲

康熙四年陝西巡撫賈漢復題准豁免韓城縣沿河津渡載運粟炭船稅

康熙十一年陝西巡撫阿席熙題准豁免民屯更名地內各細色粗粒五千三百石零

康熙三十一年十月初四日

諭戶部陝西西安等處地方連歲凶荒繼以疾疫因而閭閻失業漸致流離朕軫恤民艱焦勞宵旰自去歲冬月以來頒發帑金蠲免正賦輓輸積穀轉運漕糧屢次特遣大臣察勘多方賑濟念國家所重惟在養民自今秦省雖薄有秋收但民間匱乏已極倘非格外加恩無以使積困盡甦轉徙盡復陝西巡撫所屬府州縣衛所康熙三十二年地丁銀米著通行免徵從前所有積欠未完錢糧亦著通行蠲豁務俾比屋同沾實惠小民咸慶更生用稱朕子愛

元元撫育安全至意爾部卽遵諭行特諭

康熙三十一年十月初九日

諭刑部朕保乂黎元崇尙寬大每于刑獄之事輒厯矜恤之懷秦省西安等處地方比歲游饑閭閻困苦業已多方賑恤屢諭蠲租尤宜大沛仁恩特加赦宥凡陝西巡撫所屬今年秋審情真緩決之犯內除十惡及軍機獲罪官員犯罪不赦外其餘自諭旨到日通著免死照例減等發落有見在審擬未經結案者亦如之嗣後務令革心向善副朕法外生全至意爾部卽遵諭行特諭

康熙三十四年十二月十七日

恩詔陝西省康熙三十三年以前歷年積欠及帶徵未完銀米俱著豁免

康熙五十年十月初三日

諭戶部朕誕膺大統撫育寰區夙夜孜孜不自暇逸凡以爲民也勤圖利濟休養安全卽無水旱之虞時布寬仁之政蠲租除賦務使遐方率土無不均沾或值雨暘偶愆出帑發粟多方賑卹其有益于吾民者靡弗備舉而急行之朕愍勲周詳之至意前四十九年所頒諭旨申晰甚明原

欲將五十年天下錢糧蠲免以諸臣集議恐需用兵餉撥解之際兵民驛遞益致煩苦故自五十年爲始三年之內全免一週除將直隸奉天等九直省康熙五十年地丁錢糧一概蠲免及歷年舊欠錢糧一併免徵外山西河南陝西甘肅湖南湖北各撫屬除漕項外五十一年應徵地畝銀共八百四十萬四千兩有奇人丁共銀一百二十萬八千一百兩有奇著明察全免並歷年舊欠共銀五十四萬一千三百兩有奇亦俱著免徵其五十二年應免省分至期候旨行民間舊欠旣經豁免嗣後每年額徵錢糧務如

數全完倘完不及額或有虧空託稱民欠卽責令督撫以
下官員償補仍從重治罪該督撫須實力奉行期副朕愴
惓愛民之意如有指稱事故侵欺科派事發之日必嚴行
究治諭旨到日徧示城郭鄉村深山窮壤咸使知悉爾部
卽遵諭行欽此

康熙五十九年十月十七日

諭戶部朕自御極以來無日不以民生爲念凡閭閻疾苦
必詳加諮訪至于地方偶遇災傷一有所聞卽行蠲賑撫
恤備至務期黎庶安生樂業優游化日六十年來夙夜孜

孜未嘗少釋也邇年因西陲用兵師行糧從雖芻粟悉支
正供絲毫不擾民間然轉輸必需民力勞芒宜加體恤曾
將康熙五十八年陝西甘肅所屬額徵地丁銀一百八十
八萬零歷年舊欠銀四萬兩零康熙五十九年沿邊各州
縣衛所額徵銀九萬八千一百兩零陝沛恩綸屢行蠲免
近聞二年歉收民有艱于粒食者辦賦急公力何能支若
非渙敷德澤無以培養窮氓是宜特頒浩蕩之恩用申勤
求民瘼之念著將陝西巡撫甘肅總督所屬通省各州縣
衛所除應徵米豆草束外康熙六十年應徵地丁銀一百

八十八萬三千七百四十兩零通行蠲免爾部速行文該
督撫徧行曉諭實心奉行務必均沾實惠如有不肖官吏
陽奉陰違澤不下究者該督撫嚴察題參從重治罪又署
撫花 奏稱甘肅地方數年歉收糧草價值騰貴兵丁採
買維艱且兵丁效力行間勞瘁堪憫尤當軫恤准預給半
年餉銀著卽行文附近省分撥銀三十萬兩速解甘撫頒
發以副朕篤念民勞優恤軍士至意爾部卽遵諭行特諭
雍正五年免過華陰地一頃四十六畝九分三釐六毫折
色糧六石九斗五合九勺九抄銀九兩七錢七分九釐八

毫均徭銀一兩一錢四分四釐一毫二絲

雍正六年四月初五日奉

上諭據岳鍾琪摺奏前因陝甘兩省丁銀偏累援照各省以糧載丁之例題請將丁銀于全省地糧之內通計均攤已奉

旨允行在案惟是各屬冊籍繁多一時核定而該年錢糧已准部咨撥充兵餉若俟攤定之日始行開徵未免遲悞是以各州縣仍照舊額徵收伏查以糧載丁則各屬錢糧較之舊額勢必有增有減今應減丁銀之朝邑等二十一

州縣于未及攤定之先照原額徵收共長解銀六千七百九十三兩此項丁銀若命各州縣領回按戶退還則糧戶畸零難于分析散給必致胥役中飽小民不沾實惠況百姓旣沐鴻恩將偏重丁糧均攤完納永無苦累卽此項銀兩亦係從前應徵之項但以均載之年攤撥未定暫假原額完納一年並非重徵可比應請存貯司庫以充兵餉等因此項銀兩于攤撥未定之先民間旣已照舊完納該督奏稱今若按戶退還難于散給必滋胥吏中飽之弊著照該督所請停其按戶退還但此項銀兩旣係陝民輪納之

物著留貯陝省于地方公事如積貯興修之類有裨益于民間者該督撫酌量奏聞動支應用不必揆充兵餉

雍正九年正月初三日奉

上諭朕思惠養黎元之道莫先于除賦蠲租使萬姓均沾渥澤是以數年來寬免各省之額徵以爲阜民足食之計者難以枚舉而該省之民人果抒誠慕義宣力急公朕又嘉其人心風俗之淳良而屢沛施于常格之外也陝西甘肅二省經理軍需數年矣凡米糧芻牧之屬及車馬牧畜之類皆動支公帑銀兩備辦一絲一粟不使擾民此中外

臣民所共知者然朕每念地方既有軍務縱不取辦于民財未嘗不資籍于民力而陝甘二省之民人踴躍趨事其心深爲可嘉年來已屢降蠲免之旨茲特再布恩膏將雍正九年西安所屬額徵地丁銀蠲免十分之三共計銀四十七萬九千九百零甘肅所屬額徵地丁銀二十八萬二千二百零全行蠲免該督撫等可轉飭所屬有司仰體朕心敬謹奉行務令閭閻均沾實惠將此旨刊刻頒布俾深山僻壤共知之特諭

雍正十二年十一月二十六日內閣抄出奉

上諭今歲春夏間陝西地方禾麥頗好及至仲秋聞有雨少之州縣如甘肅所屬則有階州靖遠環縣等處西安所屬則有臨潼渭南高陵涇陽三原醴泉富平同州郃陽澄城韓城朝邑華州華陰蒲城潼關以及榆綏二府州所屬等處朕心深爲軫念特諭該督撫速籌蠲免賑恤並轉運接濟之策務使貧民不至失所茲據劉于義許容奏稱階州及靖遠縣環縣本年錢糧及應徵舊欠已概行停徵俟明年夏收後再議徵收至乏食之民已按照成例計大小口借給口糧以今歲十月起至明歲四月爲率統俟夏收

後再行徵還或其他州縣有一邨一堡被旱薄收者亦照
階州等處之例辦理等語據史貽直碩色奏稱西安所屬
州縣秋間雨澤愆期嗣于九月內大浦甘霖所種之麥滋
潤暢茂明歲夏收可望現在糧價有減無增約計本地存
貯穀石足以接濟明春之用無庸借資于豫省至本地錢
糧百姓感戴皇恩且值連年豐稔已經完納十之八九亦
無庸加恩蠲免惟從前借糶之倉糧應于秋後還倉者今
西安同州華榆葭等府州既有薄收之屬若再催還借糶
之項誠恐市價增長民力維艱應請暫緩徵買統俟明秋

還項則民力可舒等語劉于義史貽直等奏報地方情形
已悉階州等三州縣乏食民人所借之口糧俱著賞給明
年夏收時不必徵還所有本年未完之錢糧亦著蠲免明
年不必補徵其應徵舊欠著概行停止仍令劉于義許容
督率有司加意撫綏務令小民得所至西安同華榆葭等
府州屬百姓所借之倉糧亦著賞給明年不必交還其糶
出之穀著史貽直等酌量于明年何時買補還項特諭欽
此

雍正十三年十一月二十五日奉